

睫巢集

曉巢集

廌青山人李鐫鐵君

詩卷五

上 慎郡王二十四韻

有序

王秩重价藩統茲戎寄股肱

王室表帥羣牧遠近協然爾乃研經服禮敦尙儒
行淵乎萃令德之純也屬者

天子求買馬才餘王遠覽兼聽思有以稱千金買

明詔副

上意物色之餘蓼及於錯自惟固陋慙慙不勝朽
木不任雕文綺腐芥不足納琥珀敢曰千金買
骨請自隗始邪敬賦長律用識欲言

日月扶

皇極

朝廷建大中弼諧資衛叔謨贊屬姬公鐘鼎光儀
肅圭璋品節隆應龍佐雲雨威鳳下梧桐天秩班
羣后懿親特總戎爪牙深寄託典禮異尊崇儒術
河間貴文章子建雄斷絲三尺劍破的九年弓壇

坵爭推轂詩書妙發矇古懷端泐穆盅器復謙冲
樂善嬉游簡憐才汲引工布衣珠館集上客錦筵
同枚叟專能事申公辟下風雪霏毛穎濕花落研
池紅湫隘衡門底塵沙賤子蒙枯楊負膏澤疲馬
策西東鹵磧留屯戍宣房受土功翺蠕無振作天
地有帡幪白髮衰情入青袍壯志空一經韋業廢
曠野阮塗窮細物迴偏照虛聲誤大聰謬承脩綆
汲擬使滯流通藹藹先春草棲棲伏渚鴻撫心增
感激沒齒荷昭融

上宗侯德少司馬二十四韻

疆幹敦磐石和鈞藉重臣辟疆才實茂長樂屬原
親舟楫符康濟衣冠絕等倫五兵循職舊三俊顚
賢新寵渥期無忝剛方切自振鼎虛金鄭重璧古

玉璘霽公望推當世儒宗繫此身曹臧持節苦

公當

襲封力
辭以疾

董相下帷頻

注易積三十年
有易圖解行世

理蘊開天地

幾先合鬼神焦京傳竟駿施孟學寧醇道洽文章

著中誠外物馴衆流稀壅遏隨事及陶甄鄠杜棲

遲士龍蛇四十春孤心孚澤雉老骨挺江筠麋鹿

從歸隱兒童伴食貧在閒常勿勿匪醉日泯泯疾
有詩書癖生同草木屯潛鱗端好緝屈蠖敢求伸
撫拾娛僮父提携辱偉人未嘗謀面貌直欲拔風
塵謬寶幃中秘回憐席上珍骨非千里馬心見九
方甄紫塞開霜路青天仰日輪

大君施解作萬彙入彌綸

東金題易島庵祝融觀旭圖

赤龍朱鳥紛經營締結火德凝陽精衡山巔芳聳
天半北斗低亞南斗平天風蕭蕭雲冥冥雨氣洗

濯芙蓉青巴陵之水連洞庭浸滂嶽麓歸無形中
有祝融峯特起下視蒼茫九萬里夜半日出扶桑
東金芒射天紅射水光怪翕赫萬象分呼吸帝座
通三神靈旗側下湘夫人寒焱遠舉雲中君此時
緊誰坐空碧易君自是湘南客眼光炯炯相激射
帝將假君雙羽翼看君高飛橫四極

銘源姪孫遺玉泉水

有客叩我門遺我清冷泉芳香雖媚人澹泊開其
先鹽梅雜醯醢遂分醎與酸桂酒和椒漿自生甘

與辛人生集百憂大化稟自然何如咀至味與子

保歲年

寓城西精舍贈洞文上人

時望故樓
憮然增感

比鄰七十載爲客謝淹留忍草自長碧妙香時一
浮世情爭夢幻佛面老春秋愁絕斜陽外誰家百
尺樓

贈湘南易淑南

楚塞秋深落日低蘼蕪烟冷鷓鴣啼相思南北無
消息魂斷當年峴首西

懷香何處問芳蓀
文藻風流宋玉存
萬里驚波漂斷梗
不堪搖落賦招魂

秋色蒼然下洞庭
楓林漁火動青冥
客窗一弄珊瑚管
似有清猿紙上聽

觀象臺二十四韻

有序

臺列九儀康熙二十五年

聖祖御製其象限紀限二儀測術尤密前古無之
於穆之懷與天爲一信乎

肇蹟顓蒙闢昭文象緯懸健行標幹運靈曜示蟬

聯覆冒綱維集盈虛氣朔宣處高疑倚蓋居默等
淪淵宿昔神明洽儀型睿哲傳造機符動靜剖器
敵方圓落下功初述鮮于冶自專錯銀星度密注
水地輪便

聖智通幽眇天工絕後先雙樞交合契都柱直任

權梁裊觚稜厲跗平締構堅石渠深轆輦

簡平儀下有輦

置右輪渠中候者升輦環視

銅冪徑張弦

地平儀張弦以測

管隸橫蕭

側弧分紀限邊渺茫窺日馭毫髮析星躔歲月頒

千禩乾坤藁一筵世難求髣髴誰足語蹄筌矗立

青冥表憑凌沆瀣鮮山龍迴局曲雲海極雕鐫六
合環嘗綴三辰軌舊沿華林遺製薄文德巧思偏
瞻眺成真遇低徊得暫延王蕃徒酌古虞喜謬安
天弱莛暗宏響秋蜩惑大年儻容恣寢伏或擬著
新編

瀆山大玉海歌

玉海色黝碧徑五尺深二尺
強量容三十石因勢成器外

琢諸海物皆凸起元至元二年泐
成勅置廣寒殿今在西華門外

于闐太璞濡深青龍膏麟髓凝蒼精白虹界天月

死魄古斑黝澤同晶瑩乾坤靈寶尙舉致九牛汗

喘來燕京玉人磨礪靡歲月仰孟呀口如天成劄
剔動肉不動骨元氣灝瀚棲百靈神龍攫電野馬
走鱗甲張滿飛石鯨海波浴日日轉匿伏陰糅作
雲霞蒸凌兢魑魅辟不若規模禹鼎援圖經輪廣

丈五深二尺注酒不啻如溜澠瓊華島中廣寒殿

高寒六月留清冰神物納入諸品却五山珍榻差

抗衡

三年五山珍御榻
成亦命置殿中

此時元氏主中夏薛禪雅

量吞滄溟

國人尊世祖
曰薛禪皇帝

東南片水實視此沼吳會

見游魚烹時移世換玉云改塗泥汨沒歸沈冥風

明集 卷五
六
颺回首歲五百覆以屋瓦誰經營迦陵仙音若相
弔佛燈鬼火同熒熒我聞玩物有深戒玉杯漆器
非儀型天球不渝石鼓臥辟雖東序長崇竑

送別周西穆南歸武林四截句

踏歌爭唱白銅鞮衰柳寒烏落日低古瑟無人聽
悲怨雪深疲馬度青齊

曉角寒鐘入夢奇蓬萊殿上語移時不須更衍春
秋傳蔓草秋深董相祠

板拍清詞下濁醅昔年懷抱得君開曾看雷雨秋

燈碧似有荆高俠魄來

緯蕭織薄舊封侯不信詩書竟白頭此去春江認
歸雁年年飛過古幽州

冬夜留宿虛壑精舍暨朱抱光陳行一講易
圖夜分抱光援琴彈碧天秋思雉朝飛諸
曲行一起復爲我劍舞二十四變燭見跋
寒月瑩然而霜雞已再唱矣

少年好奇老好古陡見神奇在臭腐龜龍振躍自
然事妙義乾坤由逆數京兆二君同鍵戶我來夜

就雙林語虛襟遠遇神近交折角曾誰意連挂燈
昏夜久人坐忘陳編未掩清琴張流虛入變兩不
測天風雲海聲琅琅此時萬籟肅不聞一縷一絲
呼吸分寒飈細坼湘水紋恍惚欲下雲中君琴歌
既終客起立子公曾孫劍舞及騰踏步武飄風急
迴旋五五復十十崖倒枯株虎氣吹山劃驚雷龍
火匝一片霜稜不見霜寒月墮地清冰濕始知役
神不役氣能使觀者皆震聳舞罷孱然若處子此
夕何夕歎觀止機含動靜良有以太虛溶溶曙光

啟

曉月秋河研歌

購研於市宋坑之石也凝脂澤手密理喻墨割而不鑿撲

拙渾然眼右距細斑鱗鱗斜絡如玉繩曉月秋河取象以名之如太白名九華也

桐崖嘗云有研癖

桐崖子老友焦上人

端溪老坑目所擊冥

搜隱索七百年宋氏以還歲剝剔瀕洞或訝海穴

穿康崑真疑坤軸圯粵中曾見鳩役夫翻車數十

兼渴烏洪濤逆吸駭波走潛虬伏鱗號乾枯陰森

窟穴裁得罅堅椎利鑿凌空下神物可抉不可期

千金一片寧論價此石何年出坑水白日塵沙埋

市底眼中取舍亦有時愛汝瑩然含妙理璘璘靄
靄翡翠斑碧月細暈層波間崢嶸嶸嶸老蛟骨撫
之蕩之若無物德苞貞介品正方寶華黯澹騰古
光書生得此驕氣張山鬼不敢嗤空囊鳴乎石君
石君聊字汝昔者桐崖今化土人間茫茫爭璞鼠
倘逢陵陽致辛苦

梅花

梅花結春思春思浮雲端攀折豈終惜別離良足
歎江雲了無骨秋水却增寒惆悵烏啼夜遙遙清